

Na osnovu člana 68 Statuta društva BH TELECOM Sarajevo, a u skladu sa članom 61. stav 3. Kolektivnog ugovora za područje telekomunikacija Federacije BiH ( „ Službene novine Federacije BiH „, broj: 78/06 ), te shodno saglasnosti Sindikata BH TELECOMA na donošenje uputstva o načinu i postupku rješavanja zahtjeva za isplatu jednokratne novčane naknade po osnovu nastanka teškog invalideta 70% i više ili teške bolesti zaposlenika ili člana njegove uže porodice, broj: \_\_\_\_\_ od \_\_\_\_\_ godine, Uprava Dioničkog društva BH TELECOM Sarajevo na \_\_\_\_\_sjednici održanoj \_\_\_\_\_2008. Godine d o n o s i

**UPUTSTVO**  
**O NAČINU I POSTUPKU RJEŠAVANJA ZAHTJEVA ZA ISPLATU JEDNOKRATNE**  
**NOVČANE NAKNADE PO OSNOVU NASTANKA TEŠKOG INVALIDITETA 70% I VIŠE ILI**  
**TEŠKE BOLESTI ZAPOSLENIKA ILI ČLANA NJEGOVE UŽE PORODICE**

Član 1.

Ovim Uputstvom uređuje se način i postupak rješavanja zahtjeva za isplatu jednokratne novčane naknade po osnovu nastanka teškog invaliditeta 70% i više ili teške bolesti zaposlenika ili člana njegove uže porodice, a u skladu sa Kolektivnim ugovorom i Pravilnikom o radu Dioničkog društva BH TELECOM Sarajevo.

Član 2.

Pravo na jednokratnu novčanu naknadu po osnovu nastanka teškog invaliditeta 70% i više ili teške bolesti zaposlenika ili člana njegove uže porodice zaposlenik ostvaruje na osnovu zahtjeva za isplatu novčane naknade koji se podnosi nadležnoj organizacionoj jedinici za pravne poslove i ljudske resurse.

Član 3.

Uz zahtjev za isplatu jednokratne novčane naknade po osnovu nastanka teškog invaliditeta 70% i više zaposlenik je dužan dostaviti rješenje izdato od strane nadležne zakonom određene ustanove, koje nije starije od tri mjeseca, a čiji sadržaj potvrđuje da se radi o teškom invaliditetu 70% i više.

Zaposlenik koji podnese zahtjev za isplatu jednokratne novčane pomoći po osnovu nastanka teškog invaliditeta 70% i više člana njegove uže porodice shodno stavu 8 člana 49. Priloga broj 3. Pravilnika o radu uz zahtjev pored dokaza predviđenim stavom 1. Ovog člana dužan je dostaviti i slijedeće:

- ovjerenu kućnu listu
- prijavu prebivališta/boravka ( za zaposlenika i člana uže porodice ) kao i
- druga validna dokumenta izdata na način i po postupku utvrđenom pozitivnim zakonskim propisima kojima se dokazuje odnos lica iz stava 8. Člana 49. Priloga broj 3. Pravilnika o radu i zaposlenika kao podnosioca zahtjeva, a iz kojih će se cijeliti da li je zaposlenik sa istima bio u zajedničkom kućanstvu u vrijeme nastanka teškog invalideta 70% i više i u vrijeme podnošenja zahtjeva.

Član 4.

Uz zahtjev za isplatu jednokratne novčane naknade po osnovu teške bolesti zaposlenika ili člana njegove uže porodice zaposlenik je dužan dostaviti nalaz i mišljenje na jednom od jezika Bosne i Hercegovine izdat od ljekara zdravstvene ustanove kod kojega se zaposlenik/član uže porodice liječi koji nisu stariji od tri mjeseca, a čiji sadržaj potvrđuje da je isti

obolio od teške bolesti shodno stavu 6. Člana 49. Priloga broj 3. Pravilnika o radu Dioničkog društva BH TELECOM Sarajevo.

Uz Zhtjev iz prethodnog stava zaposlenik mora da priloži i dokaz da je za tretman bolesti, utvrđene nalazom i mišljenjem iz prethodnog stava, potrbno ispunjenje jednog od uslova:

- a) Praćenje i/ili višekratno bolničko liječenje u jednoj godini
- b) Skupa dijagnostika,
- c) Upotreba medicinskih pomagala i
- d) Medikamentozni tretman skupim lijekovima, a koji nisu sa liste esencijalnih lijekova neophodnih za osiguranje zaštite u okviru standarda obaveznog zdravstvenog osiguranja Federacije BiH.

#### Član 5.

Praćenje i/ili višekratno bolničko liječenje u jednoj godini zaposlenik dokazuje nalazom, ocjenom, mišljenjem, otpusnim pismom nadležne zdravstvene ustanove.

Skupa dijagnostika se dokazuje mišljenjem ljekara zdravstvene ustanove, kod kojeg se zaposlenik/član uže porodice liječi, o potrebi izvršenja određenih dijagnostičkih usluga i profakturom/fakturom koja ne može biti manja od 400,00 KM za konkretan slučaj.

Upotreba medicinskih pomagala se dokazuje mišljenjem ljekara zdravstvene ustanove kod kojeg se zaposlenik/član uže porodice liječi o potrebi nabavke madicinskog pomagala i profakturom/fakturom o nabavci pomagala koja ne može biti manja od 400,00 KM.

Medikamentozni tretman skupim lijekovima, a koji nisu sa liste esencijalnih lijekova neophodnih za osiguranje zdravstvene zaštite u okviru standarda obaveznog zdravstvenog osiguranja Federacije BiH čija vrijednost prelazi 100,KM u jednom mjesecu dokazuje se prilaganjem kopije recepta o propisanom lijeku i originalnih računa iz zadnja tri mjeseca koja prethode podnošenju zahtjeva.

#### Član 6.

Uz zahtjev za isplatu jednokratne novčane naknade u visini koja prelazi 3 prosječne plaće Društva a ne prelazi 10.000,00 KM zaposlenik je dužan dostaviti:

- nalaz i mišljenje na jednom od jezika Bosne i Hercegovine izdat od ljekara kod kojeg zaposlenik/član uže porodice liječi koji nisu stariji od tri mjeseca, a čiji sadržaj potvrđuje da je isti obolio od teške bolesti shodno stavu 6. Člana 49. Priloga broj 3. Pravilnika o radu Dioničkog društva BH TELECOM Sarajevo i predračun zdravstvene ustanove u kojoj će se izvršiti određena usluga ili račun zdrvtstvene ustanove o izvršenoj usluzi.

#### Član 7.

Podnosiocu zahtjeva iz člana 6. ovog Uputstva isplatiće se jednokratna novčana naknada u iznosu do 10.000.00 KM potrebnih sredstava za izvršenje/izvršenu zdravstvenu uslugu isakazanih u predračunu/računu zdravstvene ustanove.

#### Član 8.

Podnesene zahtjeve sa pratećom dokumentacijom , za isplatu naknade po

osnovu teške bolesti shodno stavu 6. Člana 49. Priloga broj 3. Pravilnika o radu, nadležna služba će dostaviti izvršnoj direkciji za pravne poslove i upravljanje ljudskim resursima koja će iste proslijediti Zavodu za zdravstvenu zaštitu radnika u saobraćaju Sarajevo radi pribavljanja mišljenja o ispunjenju uslova za isplatu naknade.

Uz zahtjev za isplatu jednokratne novčane naknade po osnovu nastanka teške bolesti člana njegove uže porodice zaposlenik je dužan dostaviti:

- ovjerenu kućnu listu
- prijavu prebivališta/boravka ( za zaposlenika i člana uže porodice ) – CIPS
- uvjerenje o kretanju izdato od strane MUP-a (Za zaposlenika i člana uže porodice ) kao i
- druga validna dokumenta izdata na način i po postupku utvrđenom pozitivnim zakonskim propisima kojima se dokazuje odnos lica iz stava 8. Člana 49. Priloga broj 3. Pravilnika o radu i zaposlenika kao podnosioca zahtjeva, a iz kojih će se cijeliti da li je zaposlenik sa istima bio u zajedničkom kućanstvu u vrijeme nastanka teške bolesti i u vrijeme podnošenja zahtjeva.

#### Član 9.

Ovo Uputstvo stupa na snagu danom objavljivanja na oglasnoj ploči Dioničkog društva BH Telecom Sarajevo.

#### Član 10.

Stupanjem na snagu ovog Uputstva prestaje da važi uputstvo o načinu i postupku rješavanja zahtjeva za isplatu jednokratne novčane naknade po osnovu teške bolesti zaposlenika ili članova njegove uže porodice broj: 01-2.1-6530/07 od 22.05.2007.godine.

Broj: 07- 2.2.1-12769/08  
Sarajevo,\_07.2008.god.

Generalni direktor  
mr. Nedžad Rešidbegović,dipl.inž.el.

Uputstva o načinu i postupku rješavanja zahtjeva za isplatu jednokratne novčane naknade po osnovu nastanka teškog invaliditeta 70% i više ili teške bolesti zaposlenika ili člana njegove uže porodice, objavljeno je na oglasnoj ploči Dioničkog društva BH TELECOM Sarajevo dana \_\_\_\_\_ 2008.godine.

SEKRETAR DRUŠTVA

Alma Čolo, dipl.pravnik